


Blacky, 12j.



suechet es nöiis Daheime mit Freigang

Sali zäme

Ig bi dr Blacky. Dr Name isch Programm. Cholrabeschwarz, schick, sag ich Dir. U macht schlank! Weisch Du eigentlech, dass aui schwarze Chatze irgendwo es wiises Fläckli hei? Ja, abr ig säge Dir nid, wo miis isch, das muesch säubr usse finge. Abr drum schriib ig das hier gar nid. Ig bi eigentlich uf dr Suechi nach eme nöie Daheime. Warum? Mi hei sy im 2024 us Wohnigschatz übereh, abr vor einigr Ziit ha ig's gschaftt, vom uugsicherete Baukon im Hochparterre ane z'gumpe u itze weiss ig, dass es dusse no viu schpannendr isch aus dinne. Ab sofort wiu u muess ig usse, ig proteschtiere sunsch luutschtark. D'Huusverwautig akzeptiert abr chei Chatze dusse u ou chei Netz am Baukon. Itze suechet sy mir es Plätzli mit Freigang, damit ig wiedr glücklech wärd. Drum!

Ig bi 12jährig, kaschtriert, gimpft, chippet, gsung u schtuberein. Nur zur Niereentlaschtig näm ig täglech es Pülverli is Fuettr. Zur Vorbeugig. Ig bi no sähr fit u liebe Schpiue, mit auem u jädem. Schmüsele dagäge isch nid so Miis, ig ha da chei Geduud. Mau churz schtriichele u denn ha ig scho wiedr gnueg u geh wiitr. Ig entscheide gärn säubscht, wenn u wie lang. Ig weiss, was ig wott. U was nid. Ig wott gärn Alleiprinz sy, ohne Hung u Chatz. Ou ohni chliini Ching, grosi chönttet gah, we sy mi reschpektiere. Muess abr ou nid sy. Mir reiche mini Doseöffner vouchomme. Bi Frömdi entscheidet bi mir d'Chemie: es paari mag ig gly, es paari so gar nid, die ignorier ig eifach. Ig ha da so mini Kriterie, abr die verrat ig niemer, das isch mis Gheimnis. Lah Di überraschel

Ig sueche es Daheime, wo ig usse cha. Gärn es Huus odr e Wohnig im Ärdgschoss, mit Törli i Garte u mit Wiese umme. Bi liebi, geduudigi Mönsche. Das wär so min Troum. Dusse isch es so schpannend, ha ig fäschtgstchtäut! Bisch Du villiicht pensioniert u oft daheime? U wohnsch Du verchehrsarm u hesch Du villiicht en Garte? MIN Garte? U es Törli, so dass ig immr usse u inne chah, so wie ig das wott? U hesch Du Geduud u möchtisch Du mi, nur mi ganz allei, uf Lääbsziit verwöhne u mi lieb habe? Soviu Wünsch uf einisch, ig weiss. Abr das wär's! Denn müesset mir üs unbedingt lehre chenne. Ig wohne im Moment no z'Thun/BE, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi ganz fescht uf Di!

Din Blacky



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch